

# Årsplan for Modalen barnehage



Vedtatt i samarbeidsutvalet  
19.10.22

# Modalen barnehage

Barnehagen er ein kommunal barnehage. Drifta er styrt av Lov om barnehagar, Rammeplan for barnehagen og dei kommunale vedtektena for barnehagen. Målet med barnehagen som pedagogisk verksemd er å gje barna eit tilrettelagt tilbod i tråd med barnehagelova og rammeplanen.


Det går fram av barnehagelova § 1 at barnehagen skal byggje på grunnleggjande verdiar i kristen og humanistisk arv og tradisjon, slik som respekt for menneskeverdet og naturen, åndsfridom, nestekjærleik, tilgiving, likeverd og solidaritet – verdiar som kjem til uttrykk i ulike religionar og livssyn, og som er forankra i menneskerettane.

## BARNEHAGENS RAMMEVILKÅR

**Nasjonale styringsdokument:** Lov om barnehagar med forskrifter, Rammeplan for barnehagar, Stortingsmeldingar og NOU rapporter

**Lokale styringsdokument:** Kommunestyre, Økonomiske styringsdokument, vedtekter og reglement, årsplan, opplysningshefte.

**Styringsinnstansar i barnehagen:** Foreldrerådet som består av alle foreldre i barnehagen. Samarbeidsutvalet som består av representantar frå foreldre, eigar og tilsette i barnehagen.



**Teieplikt/politiattest** Alle i personalet har teieplikt overfor arbeidet i barnehagen. Dette kan gjelde opplysningar kring barn og vaksne.  
Ny tilsett må leggje fram politiattest

# VISJON:



## Historikk

Barnehagen blei starta etter initiativ frå Husmorlaget i Modalen i 1979. Barnehagen hadde eit korttidstilbod, to dagar i veka. Barnehagen haldt til på Mo skule i klasse rom med 1.-3. klasse.

I januar 1983 blei eigarforholdet endra, og frå denne månaden var det Modalen kommune som sto som eigar. Etter kvart viste det seg at lokalet ved skulen var for trøngt. For å kunne tilby alle borna plass måtte ein flytta barnehagen. 1.august 1983 vart Modalen barnehage flytta opp i gamleskulen på Hugnastad.

Frå hausten 1987 vart opningstida utvida og Modalen barnehage fekk status som heiltidsbarnehage, med høve til korttidsopphald for dei som ynskja det. 12. november 2007 starta Modalen barnehage opp i nytt bygg på Helland. Bygget har tre avdelingar.

Avdelingane har namn etter lokale stednamn, Oddane, Storfjellet og Stølen.  
I dag har barnehagen utvida opningstidene sine, frå kl. 07.00 til 16.30.

- Borna har ei maks opphaldstid på 9 timer per dag.
- Planleggingsdagane er barnehagen stengt
- Onsdag før skjærtorsdag stenger me kl. 12.00

## HOVUDMÅL:

"Me vil arbeida for å gjera borna sterke sosialt, språkleg og kroppsleg".  
I årsplanen vil det gå fram korleis me i barnehagen vil jobba for å nå måla våre.

Denne hovudmålsetjinga blir lagt til grunn for det pedagogiske arbeidet som blir gjennomført i Modalen barnehage.



### Telefon nummer i barnehagen

Hovudnummer: 56599060

Mobil: 95048031

E-postadressa til barnehagen:  
[grete.urdal@modalen.kommune.no](mailto:grete.urdal@modalen.kommune.no)

# Barn og barndom

Barnehagen skal anerkjenne og verne om eigenverdien til barndommen. Å bidra til at alle barn som går i barnehage, får ein god barndom som er prega av trivsel, vennskap og leik, er fundamentalt. Barnehagen er òg ei førebuing til aktiv deltaking i samfunnet og bidreg til å leggje grunnlaget for eit godt liv (Rammeplanen 2017).

Korleis arbeider me med dette:

- faste leikegrupper der me mellom anna lærer borna strategiar for å komme inn i leik, og på denne måten førebu dei til aktiv deltaking i samfunnet.
- noterer utvikling, enkelt episodar og områder som må jobbast vidare med i MI-permen som me nyttar i foreldresamtalar.
- I samarbeid med foreldra legg me ein plan for vegen vidare for å sikre ein god barndom der borna skal bli sett som eige individ.
- introduserer borna for barnekultur gjennom songar og leikar. Dei får kvar dag kjenne samhald gjennom samlingsstund der alle borna på avdelinga vert nemnt og sett.



# Demokrati

Meir mangfald og individualisering gir behov for demokratiforståing, respekt for ulikskapar og positive haldningar til å leve saman i fellesskap. Gjennom å delta i barnehagefellesskapet skal barna få sjansen til å utvikle forståing for samfunnet og den verda dei er ein del av. (Rammeplanen 2017).

Korleis arbeider me med dette:

- Me vaksne sikrar at alle vert høyrte, ytringar og kroppsspråk frå borna vert ein del av planlegginga av aktivitetar og val av leikemateriell.
- Ein legg til rette for at alle borna får leike på ein måte som dei meistrar og har glede av.
- Avdelingane er innreia i ulike leikesone, slik at barna kan velje ut frå sine interesser.
- Samlingsstund for å skape fellesskap, der enkeltindividene vert sett.
- Me vaksne sikrar at kvart enkelt born sine handlingar og ytringar gjedes betydningsfulle ved at me legg til rette for å gje barna kunnskap, evna til å tenka kritisk, og viljen til å stilla spørsmål til alle tider i kvardagssamtalar, samling, grupper osv.
- Me snakkar saman med borna om ulikskap. Me fremjar dette i heile gruppa og legg til grunn for forståing av at me har ulike behov, men at me tross ulikheit klarar å leike saman og respektere kvarandre sine behov.
- Me har felles leikar, songleikar og felles arrangement der me inkluderer alle og legg til rette for gode opplevingar saman.

# Mangfald og gjensidig respekt:

Barnehagen skal fremje respekt for menneskeverdet ved å synleggjere, verdsetje og fremje mangfold og gjensidig respekt. Barna skal få oppleve at det finst mange måtar å tenkje, handle og leve på. Samtidig skal barnehagen gi felles erfaringar og synleggjere verdien av fellesskap. ((Rammeplanen 2017).

Korleis arbeider me med dette:

- For å oppnå mangfold og gjensidig respekt nyttar me ros, og positive tilbakemeldingar for å gje borna gode opplevingar med kvarandre, og for å styrke sjølvkjensla. Borna får på denne måten gode kjensler for seg sjølv og andre.
- Me nyttar ulike pedagogiske opplegget som t.d. «Grøne tankar, glade barn» der me øver på forskjellige kjensler, me set ord på kjenslene, sinnemestrin og øver på empati.
- Me legg til rette for dialog saman med borna der me aukar vokabularet deira ved å hjelpe dei med å setje ord på tankar og kjensler.
- Me har t.d. språkleik, lesebesøk frå skulen, turdag og sommaravslutning der me legg til rette for at borna skal opplever glede og meistring i kulturelle og sosiale samanhengar.



# Likestilling og likeverd:

Barnehagen skal fremje likeverd og likestilling uavhengig av kjønn, funksjonsevne, seksuell orientering, kjønnsidentitet og kjønnsuttrykk, etnisitet, kultur, sosial status, språk, religion og livssyn. Barnehagen skal motverke alle former for diskriminering og fremje nestekjærleik. (Rammeplanen)

Korleis arbeider me med dette:

- For å oppnå likestilling og likeverd, gjev me barna moglegheit til å utforske same type leik, og alle får vaksenstøtte uavhengig av kjønn. Me har fokus på individet. Det og skape gode relasjoner er dei vaksne sitt ansvar.
- Me har kvar dag fokus på godhet, der me oppmodar borna til å hjelpe andre, seie fine ord og vise nestekjærleik mot kvarandre. Me jobbar i tråd med Dei utrulege åra (DUÅ) der me har fokus på ros og oppmuntring, vere proaktive og anerkjenne ulikskap der me vaksne går føre som gode rollemodeller.
- Me oppmodar borna til å leike med ulike leikemateriell, me set saman leikegrupper på tvers av kjønn. Alle borna, uavhengig av kjønn får tilbod om same aktivitet.

## Berekraftig utvikling:

Barna skal lære å ta vare på seg sjølve, kvarandre og naturen. Berekraftig utvikling omfattar natur, økonomi og sosiale forhold og er ein føresetnad for å ta vare på livet på jorda slik vi kjenner det. Barnehagen har derfor ei viktig oppgåve i å fremje verdiar, haldningar og praksis for meir berekraftige samfunn. (Rammeplanen)

- For å lære borna kva berekraftig utvikling vil seie, får borna tidleg kjenne på at naturen byr på både spenning, opplevingar og smakar. Me er mykje ute og nyttar mest naturområda rundt barnehagen.
- Barna lærer å sortere avfall på riktig måte. Inne på kvar avdeling skil ein på kvar ein hiv papir og restavfall. På turdagane har me fokus på å ta med oss avfallet for å ta vare på naturen. Me plukkar gjerne med oss avfall som me finner. Me ar gjort eksperiment med avfall der me grep ned og opp boss , for å vise kva som er nedbrytbart i naturen og ikkje.
- Plasseringa til barnehagen ligg slik at me får eit nært og godt forhold til naturen. Me nyttar klatrejungelen, ferdavegen og Hellandsdalen til å undre oss saman med borna, og slik får borna gode opplevingar i naturen både i planlagt og spontane turar.

## Livsmeistring og helse:

Barnehagen skal ha ein helsefremjande og førebyggjande funksjon og bidra til å jamne ut sosiale forskjellar. Barnas fysiske og psykiske helse skal fremjast i barnehagen. Barnehagen skal bidra til at barna trivst og opplever livsglede, meistring og ei kjensle av eigenverdi, og han skal førebyggje krenkingar og mobbing. (Rammeplanen 2017)

- For å auke kunnskapen kring tema livsmeistring og helse har me faste rutinar med handvask, toalett-trening og stell.
- Borna får tidleg trening på sjølvstendighet kring matinntak ved å øve på å ete med skei, smørje på skiva og å drikke sjølv.
- Gjennom dagen får borna oppleve å vere i grupper på ulike storleik. T.d. Språkgruppe, leikegruppe, språkleik, samling og måltid.
- Alle dei vaksne legg vekt på å helse borna velkommen om morgonen og passar på at alle blir sett. Me ser alle borna i samling, ein voksen sitt alltid med borna rundt lunsj bordet og oppmoda til samtale rundt måltidet.
- Me nyttar det pedagogiske opplegget « Grøne tankar, glade barn» for å førebyggje mobbing/krenking der me har fokus på kjensler og empati.
- Me nyttar ulike tøyeøvingar, massasje og rolege aktivitetar som t.d. teikning, spel, litteratur etter lunsj for å sikre at borna får ro og kvile i løpet av dagen.



## **Ansvar og roller:**

- Styrar, er pedagogisk og administrativ leiar av verksemda og representerer eigar.
- Pedagogisk leiar, har ansvar for å planleggja og leia arbeidet på avdelinga, styrar er næreste overordna.
- Barne og ungdomsarbeider/fagarbeider/assistent og andre, har under rettleiing av pedagogisk leiar medansvar for tilsyn, omsorg og pedagogisk målretta arbeid.
- Kjøkkenmedarbeidar, barnehagen har personal på kjøkkenet 5 timer 2 dager i veka. Dei hjelptil med førebuing, servering av måltid, handling og reinhald på kjøkkenet.

### **Rollemodellar:**

Vi vaksne skal vere gode rollemodellar for borna. Born kopierer åtferd som nære vaksne gjer. Dette kan gå på språk, korleis vi er saman med andre, korleis vi sit ved bordet osv. Den åtferda vi vil ha meir av, må vi gje mykje merksemld. Vi brukar mykje ros gjennom ord, men også ved hjelp av non-verbale signal. Vi viser omsorg, vi deler glede og sorger, vi ler og brukar humor.



### **Me vaksne må:**

- møte alle med anerkjenning og respekt
- være tilgjengelige
- gje omsorg
- vise ekte engasjement,
- gripe fatt i barna sine interesser og idear
- vise at vi ser og forstår den enkelte
- legge til rette for omsorgsfulle relasjonar
- dekke fysiske behov
- vise respekt for barna sin personlegdom og for individuelle skilnader
- imøtekomma barna sine behov for meistring og læring
- la borna skal få utvikle eit godt sjølvbilete og god sjølvkjensle,
- Borna skal oppleve at dei er verdifulle menneske.
- Borna skal vere trygge og trivast , og få høve til å utvikle empati og nestekjærleik.

# Omsorg og tryggleik

Omsorg er ein føresetnad for at barna skal vere trygge og trivast, og for at dei skal utvikle empati og nestekjærleik. Barnehagen skal gi barna høve til å utvikle tillit til seg sjølve og andre. I barnehagen skal alle barn oppleve at dei blir sett, forstått og respekterte, og få den hjelpa og støtta dei har behov for. Barnehagen skal aktivt legge til rette for omsorgsfulle relasjoner mellom barna og personalet, og mellom barna sjølve, som grunnlag for trivsel, glede og meistring. (Rammeplanen 2017)

- Me ivaretak barnas behov for fysisk omsorg, inkludert behov for ro og hvile.
- Dele opp i små grupper, og får slik sjå enkeltbarnet og deira behov betre.
- Me har fokus på ro og kvile etter lunsj.
- Me har fokus på å sjå barnet når dei kjem om morgenon og ta farvel ved henting. Me gjev nærliek og fysisk kontakt i samvær med borna, det vere seg trøyst, felles glede over opplevingar, kos, kvile mm.
- Me legg til rette for at barna kan knytte seg til personalet og til kvarandre ved å dele i små grupper, gje barna tid til å bli kjent i tilvenningsfasen, frileik med aktive vaksne, tilrettelagt leik, leikegrupper og språkgrupper.
- Fokus på relasjonsbygging der den vaksne har hovudansvar for å knyte gode relasjonar. DUÅ og MI i forhold til relasjonsbygging.
- Tilvenningskontakt i startfasen av barnehagelivet.
- Fysisk innredning ved å legge til rette for gode leikekonstellasjonar, ser til at alle intelligensar er dekka i leikemiljø, kvilestunda, påkledning og samtaler rundt måltider.



- Den vaksne er aktiv i leiken, deltek på borna sine premisser og slik ser til at alle kjenner tryggheit saman.
- Ta grep og er nær, gjev tid, skapar gode opplevelsar saman om nokon kan verke utsøygge. Fokus på godheit, grøne tankar, vennskap, antimobbing der me lærer borna sosiale strategiar som til dømes kome inn i leik, handtere konfliktar, opptre mot kvarandre, hjelpe kvarandre.
- Vaksne er gode rollemodellar verbalt og fysisk.
- Tolkar kroppsspråk, hjelper borna å setje ord på kjensler. *Me tolka kroppsspråket til kvart enkelt barn, har fokus på relasjonsbygging for å verta godt kjent med barnet.*
- Faste plassar til kvart born, bumerke som går igjen på plass, i samling og anna.
- Rom for at borna får uttrykkje seg, at alle blir sett. Være merksame for barna sine uttrykk og møte deira behov for omsorg med følsomhet.
- Fokus på barns medverknad i t.d. temavalg, velgjegrupper, i samtalar, setje ord på og anerkjenne kjenslene deira t.d. når ein trøystar, i leik, ved måltid, garderobe, i samtale. Bli kjent med kvart enkelt barn og handle deretter.
- Ros og proaktivt arbeid for å byggje sjølvtillit hjå kvar enkelt, til dømes å skryte for utført handling, innsats, vilje til å prøve, meistring. Fokus på prosess heller enn resultat skaper og sjølvtillit. Bruk av coaching i kvardagen for å setje ord på kjensler og handlingar, til dømes «no ser eg at du vart sint, men du klarte å styre sinnet ditt og dele med Jens» «No ser eg at etter å ha øvd lenge klarte du til slutt å fingerhekle, du var jammen tålmodig» Dette gjer me for å byggje tillit og sjølvtillit.



## Danning

Barnehagen skal oppmuntre barna til å vere prøvande til og nysgjerrige på omverda og bidra til å legge grunnlaget for modig, sjølvstendig og ansvarleg deltaking i demokratiske fellesskap. Barnehagen skal fremje samhald og solidaritet samtidig som individuelle uttrykk og handlingar skal verdsetjast og følgjast opp. Barnehagen skal bidra til at barna kan forstå felles verdiar og normer som er viktige for fellesskapet. Barnehagen skal bidra til å fremje tilhøyrsla til samfunnet, naturen og kulturen (Rammeplanen 2017).

- Me arbeider for å lære barna å lukkast i *samspel med andre*.
- Me tilrettelegg for meiningsfulle opplevingar og støttar barnas identitetsutvikling og positive sjølvoppfatning. Me vel tema utifrå observasjon av borna og deira interesser, og medverknad.
- Respektere at me er ulike og slik har ulike interesser og meininger.
- Me støttar borna ved at me brukar mykje ros og oppmodar til å delta, ha fokus på borna sine kvalitetar, velja aktivitetar som alle har moglegheit til å delta på som til dømes «Kven er under teppet», «Passopp passopp» mm. Her er og coaching nyttig. Vaksne viser at dei kan feile, at det viktigaste er å delta ikkje prestere.
- Me jobbar med å synleggjere og verdsette ulike behov spesielt i samling der alle får høve til å uttrykkje seg, i veljegrupper der alle skal velje utifrå kva dei vil. Dette kjem og fram i garderoben, under måltid der ulikskap kjem fram ved til dømes smak og behag.
- Me legge merke til, anerkjenne og følge opp barnas perspektiver, handlinga og utfordre barnas tenkning og invitere dem inn i utforskende samtaler
- Me legg merke til borna ved at me observerer borna, gjerne skrive i MI- permen og har fokus på å byggje relasjonar til kvart enkeltborn.
- Me har intervju med dei eldste borna før foreldresamtaler



# Leik

Leiken skal ha ein sentral plass i barnehagen, og eigenverdien til leiken skal anerkjennast. Barnehagen skal gi gode vilkår for leik, vennskap og barna sin eigen kultur. Leiken skal vere ein arena for utvikling og læring og for sosial og språkleg samhandling. Barnehagen skal inspirere til og gi rom for ulike typar leik både ute og inne. Barnehagen skal bidra til at alle barn kan oppleve glede, humor, spenning og engasjement gjennom leik – åleine og saman med andre (Rammeplanen 2017).

## Slik arbeidar me med leik:

- Me organiserer rom, tid og lekemateriale for å inspirere til ulike typar leik.
- I det pedagogiske arbeidet presenterer me nye regelleikar og songleikar for at borna skal ha eit repertoar av ulike leikar som gjev dei felles erfaringar.
- Me har fokus samspel, godheit, leikestrategiar, gode holdningar i forhold til korleis me skal vere overfor kvarandre ved sjå kvarandre i samling, invitere med i leik, me sakkar positivt om kvarandre, og me legg til rette for at alle skal få uttrykkje seg.
- Me inviterer oss sjølve inn i leiken til borna, me tek ei rolle som ikkje er altfor dominerande.
- Me er støttande stillas når me observerer at borna treng oss, grip inn og rettleier ved behov. Organiserer leikegrupper
- Vaksne analyserer leiken til borna, diskuterer med kvarandre kva me ser, for å eventuelt rettleie.
- Coaching er ein metode for å rettleie borna i leiken ein set ord på det som barnet gjer bra. Me rettleier barna dersom leiken medfører uheldige samspelsmønster og er bevisst på og vurderer eigen rolle og deltaking i barnas leik.
- Dei vaksne kan nytta rollespel i samling for å rettleia barna. Me laga endringsplan om problemet vert for stort eller ikkje betrar seg.
- Ugla har ansvar for å telje borna og sjekke at det er vaksne der borna er. Slik ryddar me tid og høve til andre vaksne kan vere meir aktive i leiken saman med borna.



## Barnehagen skal fremje kommunikasjon og språk

Barnehagen skal vere bevisst på at kommunikasjon og språk påverkar og blir påverka av alle sider ved barnet si utvikling. Gjennom dialog og samspel skal barna støttast i å kommunisere, medverke, lytte, forstå og skape mening. Barnehagen skal anerkjenne og verdsetje barnas ulike kommunikasjonsuttrykk og språk, medrekna teiknspråk. Alle barn skal få god språkstimulering gjennom barnehagekvardagen, og få delta i aktivitetar som fremjar kommunikasjon og ei heilskapleg språkutvikling. I barnehagar for samiske barn i samiske distrikt skal barnehagen fremje den samiskspråklege kompetansen til barna. (Rammeplanen 2017)

### Slik jobbar me for å fremje kommunikasjon og språk

- I barnehagen anerkjenner og responderer me på dei ulike verbale og ikkje-verbale uttrykka til barna og støttar språkutviklinga deira.
- For å sikre borna god kvalitet i språktreninga, har me språkleik og språk/leikegrupper.
- Me arbeidar godt forankra i «Dei utrulege åra», noko som fører til ein respektfull og positiv kommunikasjon med kvarandre og barna.
- Me nyttar norsk med teiknstøtte, og for å styrke barna sitt høve til å uttrykkje seg.
- Barnehagen syter for at alle born får varierte og positive erfaringar med å nytte språk som kommunikasjonsmiddel, som reiskap for tenking og som uttrykk for eigne tankar.
- Me nyttar hjelpemiddel som Snakkepakken, Språkleik. Dramatisering av enkle eventyr.
- Legg vekt på å snakke med borna og ikkje til.
- Materiell me nyttar både i mindre grupper og i samling: Steg for steg, sang-kort, pusslespel, dyre og billed-lotto, rim og regler.
- Me lyttar til lydbok, lyttar til høgtlesing, deltek i å dikta historiar, fabulerar, vitsar og gåter, eventyr i høve alder.
- Innføring i tal og bokstavar, øve på blyantgrep, øve på å klappe stavingar.
- Jobbe med Trampolinemateriell og Skrivedans.
- Utvidar songreportouar, oppfordrar til song og danse til musikk, songleik, gjenkjenna songar, øve på eldre tradisjonssong.

## Barnehagen skal fremje vennskap og fellesskap

Sosial kompetanse er ein føresetnad for å fungere godt saman med andre og omfattar ferdigheter, kunnskapar og haldningar som blir utvikla gjennom sosialt samspel.

I barnehagen skal alle barn kunne erfare å vere viktige for fellesskapet og vere i positivt samspel med andre barn og vaksne. Barnehagen skal aktivt legge til rette for utvikling av vennskap og sosialt fellesskap. Sjølvkjensla til barna skal støttast, samtidig som barna får hjelp til å mestre balansen mellom å dekke sine eigne behov og ta omsyn til andre sine behov.

- Me er med på «Vennskapsveke», antimobbing.
- Me har særskild merksemd på vennskap i oppstarten av året.
- Me jobbar systematisk med vurdering av den sosiale samhandlinga til borna, justerar/set inn tiltak etter behov.
- Fokus på barns medbestemming utøve demokrati
- Evne til å vente på tur, og å ta imot/utføre beskjedar.
- Auke empati og utvide vennekrets ved å ha
- Felles avdeling morgon og ettermiddag .



# Læring

I barnehagen skal barna oppleve eit stimulerande miljø som støttar opp om lysta til å leike, utforske, lære og mestre. Barnehagen skal introdusere nye situasjonar, tema, fenomen, materiale og reiskapar som bidreg til meiningsfull samhandling. Nysgjerrigkeit, kreativitet, og vitelyst skal anerkjennast, stimulerast og leggjast til grunn for læringsprosessane. Barna skal få undersøkje, oppdage og forstå samanhengar, utvide perspektiv og få ny innsikt. Barna skal få bruke heile kroppen og alle sansar i læringsprosessane sine. Barnehagen skal bidra til læringsfellesskap der barna skal få bidra i eiga og andre si læring. (Rammeplanen 2017)

Slik jobbar me for å fremja læring:

- Me sørger for eit inkluderande fellesskap ved at me har samling, deler oss i grupper, fellessamling i form av språkleik, nytte smartboard til felleopplevingar som dans, eventyr og song.
- Me har felles utetid der me oppmodar dei største borna til å hjelpe dei yngre, mykje leik på tvers av alder.
- Me har tema og leikegrupper der me legg vekt på felles oppleving, der alle får bidra med å ta imot og å dele lærdom.
- Me jobbar med heilhetlige læringsprosessar tilrettelagt for dialog med borna der det er like viktig å lytte som å snakke, her grip me stunda i situasjonar der me er nær borna til dømes stelle, toalett, påkledning, måltid, grupper, samling og i leik.
- Me set ord på erfaringar saman med borna, reflekterer og filosoferer saman med borna.
- Me har pedagogiske opplegg utfrå progresjonsplan slik sikrar me allsidig utvikling.
- Me jobbar med med å vere merksame og legg til rette for læring i ulike situasjonar ved at me tar barns medverknad på alvor.
- Me vel tema utifrå borna sine innspel, interesser og observasjon av barnegruppa.
- Me skapar ein inspirerande leike og læringsarena på avdelinga utifrå borna sine interesser, t.d. legorom, dokkekrok, temarom sjukehus, kafe, verdensrom, brannstasjon mm.
- Me nyttar internett og litteratur for å forske fram, finne svar på saker og ting.
- Me vaksne opptrer nysgjerrig, legg til rette for fantasi og kreativitet ved å spele med på borna sine premisser.
- Me nyttar observasjon som grunnlag til at alle barn kan få rike og varierte opplevelser. Det vere seg i leik, i samtaler, i regelleik og anna samhandling.



## Barns medverknad

Barnehagen skal sikre barna sin rett til medverknad ved å legge til rette for og oppmuntre til at barna kan få gitt uttrykk for kva dei synest om den daglege verksemda i barnehagen, jf. barnehagelova §§ 1 og 3, Grunnlova § 104 og FNs barnekonvensjon art. 12 nr. 1. Barna skal jamleg få høve til å delta aktivt i planlegginga og vurderinga av barnehageverksemda. Alle barn skal kunne erfare å få påverke det som skjer i barnehagen. (Rammeplanen 2017)

- Me jobbar kontinuerlig med å gje barna reell medverknad over innhaldet i barnehagedagen. Dette skjer gjennom samtalar med barna, i samling, under maten, i grupper med enkeltbarn eller gjennom observasjon, vurdering og evaluering av opplegga i barnehagen. Personalalet forpliktar seg på denne måten til å legge til rette for, og å undre seg saman med barna over dei områder barna viser interesse for å lære meir om.
- Borna oppmuntrast aktivt til å gje uttrykk for sine tankar og meningar
- Me set fokus på individualitet og gjer enkeltbarn utfordringar og ansvar etter alder, personlegdom og nivå i utviklinga.
- Både kroppsleg og språkleg gjer barn uttrykk for korleis dei har det. Dei yngste barna formidlar sine synspunkt ved kroppsholdninga, mimikk og andre kjenslemessige uttrykk. Dei må oppmuntrast aktivt til å gje uttrykk for sine tankar og meningar, og erkjennast for sine uttrykk.
- Me er av den oppfatning at der barn si sjølvkjensle vert krenka, ligg rota til omsynslausheit, mobbing og manglande empati.
- Me prøver å lytte og tolke borna sitt kroppsspråk, og være observante i forhold til deira handlingar, estetiske uttrykk og etter kvart også deira verbale språk. I form av til dømes barnemøter eller samtalar med borna diskuterer me og kjem fram til felles reglar og løysingar som kan fungere for både store og små på avdelinga.
- Å ta barns medverknad på alvor, forutset god kommunikasjon mellom barna og personalet og mellom personalet og foreldra.



# SAMARBEID MELLOM HEIM OG BARNEHAGE:

Barnehagen skal i samarbeid og forståing med heimen vareta barnas behov for omsorg og leik og fremje læring og danning som grunnlag for allsidig utvikling, jf. barnehagelova § 1. Nemningane «hjemmet» og «foreldrene» omfattar òg andre føresette. Barnehagen skal vareta foreldra sin rett til medverknad og samarbeide nært og i forståing med foreldra, jf. barnehagelova §§ 1 og 4. Samarbeidet mellom heimen og barnehagen skal alltid ha barnets beste som mål. Foreldra og barnehagepersonalet har eit felles ansvar for at barnet skal trivast og utvikle seg. (Rammeplanen)

Eit godt samarbeid mellom foreldre / føresette og personalet er ein viktig for barna og for miljøet i barnehagen.

***Saman står ein sterkt!***

Me gjev tilbod om 2 planlagde foreldresamtalar i året. Nye barn får tilbod om ein oppstartssamtale ei stund etter barnehagestart. Ved behov for fleire samtalar tek me dei etter kvart. Det vert også gjeve tilbod om overgangssamtale i samband med skulestart. På desse samtalane deltek foreldre, pedagogisk leiar frå barnehagen og kontaktlærar frå skulen.

Målet med desse samtalane er å gjera overgangen frå barnehage til skule så god som mogleg.

## Brukarundersøking

Me ynskjer stadig å forbetre oss. For å vite kva me kan verte betre på er det godt å ha andre som kan vurdere arbeidet vårt. Til hjelp med vurderingsarbeidet i barnehagen har me brukarundersøkingar. Meir deltek i den nasjonale brukarundersøkinga for barnehage 2.kwart år i november.

## Foreldrerådsmøte

Alle som er foreldre til barn i barnehagen er medlem av foreldrerådet.

På det første møtet om hausten vert det vald foreldrerådsleiar og nestleiar. Leiaren i foreldrerådet sit som medlem i samarbeidsutvalet for barnehage(SU). Samarbeidsutvalet består av representantar frå foreldre, eigar og tilsette i barnehagen.

## Oppgåver til samarbeidsutvalet:

- vere eit rådgivande, kontaktskapande og samordnande organ.
- handsama saker som er viktige for innhaldet i barnehagen og samarbeidet med foreldra.
- fastsetje årsplanen til barnehagen.
- Andre viktige saker er til dømes forslag til budsjett eller driftsendringar.

## Foreldrearangement

I løpet av året har me ulike foreldrearangement, desse kan ein lesa meir om i opplysningsheftet.

## Samarbeidspartar

For å gjere borna kjende med det lokale næringslivet i Modalen samarbeider me med enkelte bedrifter i dalen.

Eit godt samarbeid mellom heim og barnehage er viktig på grunn av:

- Hjelpe og støtta kvarandre
- Gje eit betre pedagogisk tilbod til borna
- Gje tips og råd til kvarandre
- Personalet får betre kjennskap til einskild born og familie
- Utveksle viten og røynsler slik at me kan arbeida for at borna får dei beste vilkåra.


# De utrolige årene = DUÅ

Barnehageåret 2008/2009 fullførte heile personalet ei kursrekke i DUÅ. Barnehagen skal aktivt nytta DUÅ som pedagogisk og metodisk verkemiddel i det daglege arbeidet. DUÅ er utarbeida av Carolyn Webster-Stratton; og programmet si målsetjing er å bygge sosial kompetanse for enkelt barn.

## Måla i dette programmet er:

### Å fremje barn sin sosiale kompetanse!

- Auke barna sin sosiale, emosjonelle og akademiske ferdigheter.
- Førebu barna sine evner til å løyse problem og gje dei effektive strate for å meistre sinne.
- Auke barnet si positive samhandling og stimulere evna til å inngå venskap med jmnaldrande.
- Redusere borna sine negative tankar om andre og styrke dei empatiske evnene deira
- Redusere borna sin aggressive og opposisjonelle åtferd og vanskar knytt til dette.
- Auka kompetanse på positiv kommunikasjon som bruk av ros og positiv tilbakemelding til borna, samstundes vil ein redusere bruk av kritikk og unødvendige tilbakemeldingar/beskjedar.
- Forbetre barnehagetilsette si evne til å setje grenser, evne til problemløsing og sinnekontroll i høve til borna.
- Styrke barnehagetilsette sitt støttenettverk
- Auke barnehagetilsette sine positive samhandlingar med foreldre
- Fremje barnehagetilsette sin positive undervisning i høve til sosial- og emosjonell kompetanse i tillegg til akademisk kompetanse



## Overgang

Når barnet begynner i barnehagen, tilvenning

- Barnehagen skal i samarbeid med foreldra legge til rette for at barnet kan få ein trygg og god start i barnehagen.

Overgangar i barnehagen.

- Personalet skal sørge for at barnet og foreldra får tid og rom til å bli kjende med andre barn og anna personale når eit barn byter barnegruppe.

Overgangen mellom barnehage og skule.

- Barnehagen skal i samarbeid med foreldra og skulen legge til rette for at barnet kan få ein trygg og god overgang frå barnehage til skule, og eventuelt til skulefritidsordninga.


(Rammeplanen 2017)

- Me har 3 dagars tilvenning ved barnehagestart, der foreldra er mykje tilstades for barnet. Me har gode rutinar for tilvenning i barnehagen som foreldra vert informert om i god tid før oppstart. -Tilvenning til ny avdeling: Under frileik om morgonen, vert borna godt kjende på dei ulike avdelingane. Ved overgang til annan avdeling får barna besøkje den nye avdelinga ofte i forkant.
- Førskule: Barnehagen har førskuleopplegg for 5-åringane. Førskulen startar opp i august og held fram 1 gong i veka fram til juni. Ein jobbar med å skape gode rutiner, auke kunnskap før skulestart. Førskulen besøkjer 1.Klasse og SFO ved Mo Skule 1 gong i månaden. Ein har fadderordning med 5 klasse. I mai gjennomfører ein førskuleveke. Førskulen reiser på bading i Bryggjeslottet. Foreldra får tilbod om overgangssamtale mellom barnehage og skule.

## Fagområda til barnehagen

Fagområda speglar område som har interesse og eigenverdi for barn i barnehagealder, og skal bidra til å fremje trivsel, allsidig utvikling og helse. Barnehagen skal sjå fagområda i samanheng, og alle fagområda skal vere ein gjennomgåande del av innhaldet i barnehagen. (Rammeplanen)

- Fagområda ein møter i barnehagen er dei same som ein møter seinare i utdanningsløpet .
- For å sikre at innhaldet i barnehagen dekker fagområda, har me valgt å arbeida etter Howard Gardners teori om mange intelligensar.
- Gardner påpeikar at barn nyttar alle de åtte intelligensane på en naturlig måte, noko som gjer dei dyktige til å læra.
- Å oppleva meistring, er eit viktig grunnlag for at barna skal få utvikla eit godt sjølvbilete. Godt sjølvbilete er grunnleggjande for all anna læring.
- Dei aller fleste lærer best gjennom fire ulike sansar/ læringskanalar. Den visuelle sansen- sjå, den auditory sansen- høre, den kinestetiske sansen- bevege seg og den taktile sansen- ta og kjenne på.
- Me nyttar barna sine styrker til å utvikla alle intelligensane.



# Planlegging

Planlegging gir personalet grunnlag for å tenke og handle langsiktig og systematisk i det pedagogiske arbeidet. Planleggingen skal bidra til kontinuitet og prosesjon for enkeltbarn og barnegruppa. Planleggingen synliggjør korleis barnehagen fortolker og realiserer rammeplanen og skal være utgangspunkt for refleksjon og utvikling av verksemda

- Barnehagen har ulike planverktøy, som rammeplan, årsplan, progresjonsplan, temaplan, vekeplan, dagsplan og aktivitesplan. Desse planane skal evaluerast systematisk gjennom barnehageåret.
- Planlegginga må vere basert på kunnskap om trivselen til barn og den allsidige utviklinga deira, både individuelt og i gruppe. Den skal òg vere basert på observasjon, dokumentasjon, refleksjon, systematisk vurdering og samtalar med barn og foreldre.

## Årsplan

Barnehagen skal utarbeida ein årsplan. Årsplanen er et arbeidsredskap for barnehagepersonalet og dokumenterer barnehagens valg og begrunnelser.

### Mål med ein årsplan:

- gje foreldre/føresette, eigar, samarbeidspartar og andre informasjon om korleis me i barnehagen arbeider.
- vera eit arbeidsreiskap for tilsette i Modalen barnehage.
- fastsettjast av samarbeidsutvalet i barnehagen.
- vise korleis barnehagen vil arbeide for å omsetje formålet og innhaldet i rammeplanen og dei lokale tilpassingane i pedagogisk praksis.

Personalgruppa har vore med i planleggingsprosessen.

## Vurdering

Barnehagen skal regelmessig vurdere det pedagogiske arbeidet. Det betyr at det pedagogiske arbeidet skal beskrivast, analyserast og tolkast ut frå barnehageplanane, barnehagelova og rammeplanen. Hovudformålet med vurderingsarbeidet er å sikre at alle barn får eit tilbod som er i tråd med barnehagelova og rammeplanen.

Vurderingsarbeidet skal byggje på refleksjonar som heile personalgruppa er involvert i. (Rammeplanen 2017).

- Mykje av det pedagogiske arbeidet i barnehagen vert beskrive i eigne planleggingsskjema. Dette sikrar oss at me jobbar i høve til det som er lovpålagt og at det er prosesjon i tilbodet.
- Etter gjennomført aktivitet, arrangement o.l vurderer ein om korleis det har gått og kva ein kunne gjort annleis.
- Årleg gjennomfører me kulturdugnad der ein ser på heile innhaldet i barnehagen. Der vurderer me kva me vil fortsetje med, kva me ynskjer å arbeide vidare med, kva me treng endre og kva me avsluttar/ikkje tek med vidare. (Sjå vedlagt plan for Vurdering/Evaluering)

Område	Målsetting	Kvar vert det evaluert	Når	Ansvar
Opplysningshefte/ Årsplan	Sikra at barnehagens pedagogiske virksomhet er i samsvar med Lov og Rammeplan. Sikra progresjon i barnehagens innhald. Være eit arbeidsredskap. Gje brukarane og myndigheter info. om barnehagens pedagogiske verksemd Synliggjera avdelingenes pedagogiske mål og metoder	Leiarmøte / SU Avd.møte / ½årsevalueringer Personalmøter og planleggjingsdagar	kvart år	Styrer og SU Ped.leiar/styrer
Innhaldet i årshjulet	Kulturdugnad	Personalmøte april/mai	Kvart år	Styrar
Pedagogiske opplegg	Sikra at ein arbeider i samsvar med Rammeplanen og at ein endrar på det som ikkje fungerer	Lesetid der kvar einskild som utfører pedagogiske opplegg evaluerer	Etter kvart	Alle
Ute leiken	Skape vennskap mellom barn/gi grovmotoriske utfordringer	Avd.møte, Personalmøter og planleggjingsdagar	2 ganger i året	Ped.leiar
Lesetid assistenter	Faglig utvikling.		mai/juni	Assisterar og ped. Leiarar
Avdelingsmøter	Ansvarleggjere personalet i forhold til arbeidet på avd. Samordne avd. verksemd pedagogisk og praktisk. Korttidsplanlegging og evaluering.	Avd. møte	des./juni	Ped.leiar
Rutineplan	Bevisstgjere barn og personale i høve regler og rutiner. Gje foreldrene info.	Ledermøte/avd.møte, Personalmøter og planleggjingsdagar	juni	Styrer, ped. leiar
Tradisjonar:				
Lucia	Markere tradisjon i bhg, invitere pensjonistar.Gje barna bakgrunnshistorien	Avd.møte	Dir. etter feiring	Ped leiar
Jul	Markere tradisjoner og gi barna fellesopplevelser	Avd.møte	Dir.etter siste verk	Ped leiar
Solfest	Feire at sola er komen att		(29 januar) 1 soldag	Ped leiar
Fastelaven	Mark.trad. Feiring overgang vinter-vår.Gje barna fellesopplevelser med glede og overraskelser. Gje borna bakgrunnshistorien	Avd.møte	Dir.etter feiring	Ped leiar
Progresjonsplan	Kvalitetsikre at rammeplanen vert overholdt	Ped.leiar møte/ Avd.møte	Årleg	Ped leiar/styrar
Påskefrukost	Markere tradisjoner i bhg. med barn, foreldre, personale	Avd.møte	Dir. etter feiring	Ped leiar
Sommarfest	Fellesopplevelse, mark. av bhg. årets slutt samt dei som skal på skulen	Leiarmøte/Avd.møte	Dir. etter feiring	Ped leiar
Område	Målsetting	Kvar vert det evaluert	Når	Ansvar
Beredskapsplanen	Sikra lik holdning og opptreden i krisesituasjoner gjennom instruks som best mulig ivaretak rørte partar. Avklare ansvarsforhold ved kriser. Gje personalet kunnskap om prosesser hjå kriseramma. korleis møte desse.	SU	En gang i året	Leder SU / styrer
SU	Fremje samarbeid mel.eigar,foreldre og pers. i arb.miljøsaker. Sikre bhg.s kvalitet	SU	Siste møte vår	SU-leder/styrer
Personal-samarbeid	Skape eit trygt og positivt miljø som fremmer fagleg utvikling	Leiarmøte / ass.møte	Ein g. i året/vår	Styrer/ped.leiar
Personalmøter	Gje pers. felles fagleg inspirasjon og utvikling. Samordne bhg.verksemd. Bidra til samhold og fellesskap	Leiarmøte	En g. i året	Styrar
Planleggings-dager	Samarbeide i personalgruppa om planer og tema for bhg.s og den enkelte avd verksemd. Felles faglig inspirasjon og kompetanseheving	Leiarmøte / ass.møte	dir. etter	Styrar
Morgenmøte	Gje oversikt over den daglige driften. Org. av personalet ved sjukdom og fråvær. Fora for informasjon, beskjeder og samordning	Leiarmøte	juni	ped.leiar/styrar
Foreldre-samarbeid, Foreldresamtalar	Utvikle et positivt tillitsforhold som åpner for gjensidig info og nært samarbeid. Einast om ståstad og progresjon for enkeltbarn.	Avd.møte / foreldresamtake	årleg	ped.leiar

# Dokumentasjon

Dokumentasjon av personalet sitt arbeid synleggjer korleis personalet arbeider for å oppfylle krava i barnehagelova og rammeplanen. Dokumentasjon av det pedagogiske arbeidet skal inngå i barnehagen sitt arbeid med å planlegge, vurdere og utvikle den pedagogiske verksamda. Dokumentasjon av det pedagogiske arbeidet kan gi foreldra, lokalmiljøet og kommunen som barnehagemyndighet informasjon om kva barn opplever, lærer og gjer i barnehagen, og om korleis barnehagen oppfyller krava i barnehagelova og rammeplanen. Vurderingar av trivselen og den allsidige utviklinga til barnegruppa og enkeltbarn skal dokumenterast når det er nødvendig for å gi eit tilrettelagt tilbod. Det kan gi grunnlag for å tilpasse og vidareutvikle det pedagogiske arbeidet. (Rammeplanen 2017).

- Me nyttar planleggingskjema der både MI ( mange intelligens) og fagområda er grunnlaget for det me planlegg av innhald. Skjemaet beskriv kva me skal gjere, kvifor og eit eige felt til evaluering.
- Me nyttar MI perm der me dokumenterer for kvart born, utviklinga deira i alle dei 7 intelligensa. Me overfører denne dokumentasjonen vidare i foreldresamtalane me skriv. Samtalen er delt opp slik at me skriv litt om korleis bornet har utvikla seg i alle intelligensane.
- Me nyttar kommunikasjonsprogrammet VIGILO der me skriv rapportar frå innhaldet kvar dag, dokumenterer med både bilet og tekst som foreldra får tilsendt. I Vigilo går og praktisk kommunikasjon mellom foreldre-barnehage. Me sender ut temaplanar på Vigilo til foreldra.
- Me har eigne permar til kvart enkelt born som me oppdaterer med bilet og tekst frå kvar månad som føl dei gjennom heile barnehagen, og som dei får med seg når dei sluttar.

## Tilrettelegging av det allmennpedagogiske tilbudet for barn som trenger ekstra støtte

Barnehagen skal tilpasse det allmennpedagogiske tilbodet etter behova og føresetnadene til barna, også når enkelte barn har behov for ekstra støtte i kortare eller lengre periodar. Barnehagen skal sørge for at barn som treng ekstra støtte, tidleg får den sosiale, pedagogiske og/eller fysiske tilrettelegginga som er nødvendig for å gi barnet eit inkluderande og likeverdig tilbod.

Barn under opplæringspliktig alder som har særlig behov for spesialpedagogisk hjelp, har rett til slik hjelp. Det er foreldra som søker. Om barnehagen meiner barnet har behov for spesialpedagogisk hjelp, hentes det inn samtykke frå foreldra. Kommunen vurderer søknader og fattar enkeltvedtak om tildeling.

Kommunen skal sikra at barn med nedsett funksjonsevne får eit eigna individuelt tilrettelagt barnehagetilbod. Kommunen sin tilretteleggingsplikt gjeld tiltak som er naudsynle for at barnet skal kunne nyttiggjere seg av barnehageplassen. Plikta gjeld barn med nedsett funksjonsevne, er busatt i kommunen og har barnehageplass.

# Fagområda

## 1. Kommunikasjon, språk og tekst

Gjennom arbeid med fagområdet skal barnehagen bidra til at barna får utforska og utvikla språkforståinga, språkkompetansen og eit mangfald av kommunikasjonsformar. I barnehagen skal barna møta ulike språk, språkformar og dialektar gjennom rim, regler, songar, litteratur og tekstar frå notid og fortid. Barnerhagen skal bidra til at barn leikar med språk, symbol og tekst, og stimulera til språkleg nysgjerrighet bevisstheit og utvikling. I barnehagen skal barna få erfara ulike måtar å formidla tekstar og forteljingar på, som kjelde til estetiske opplevingar, kunnskap, refleksjon og møte med språk og kultur. Personalet skal invitere til utforskning av både munnleg språk og skriftspråk. (Rammeplanen 2017).

Modalen barnehage har faste opplegg med språk i fokus:

- Språkleik, språk- og leikegrupper, dialogisk lesing, samling.
- Vårt pedagogiske arbeid er forankra i «Dei utrulege åra», ein metode som legg vekt på kommunikasjon med kvarandre og borna på ein respektfull og positiv måte.
- Me nyttar Norsk med tegnstøtte, noko som er til stor støtte spesielt hjå framandspråklege barn, born i startfasen av språkleg utvikling, eller andre som treng støtte språkleg.
- Et av satsingsområda dette året er Barnehagemiljø og krenkelse, eit kompetansehevingsprogram utvikla av Utdanningsdirektoratet. Målsetjinga er å styrka barnehagen sitt daglege arbeid med førebygging av mobbing.

**Gjennom arbeid med dette fagområdet skal barnehagen medverka til:**

- -at barna utviklar eit rikt og variert talespråk som reiskap for eigne uttrykk, og som eit middel for å uttrykkja erfaringar, ynskje og eige kjensleliv.
- -Utviklar morsmålet som ein sentral komponent i personleg og kulturell identitet
- -Blir kjende med bøker, songar, bilete, media, tal, bokstavar, rim og reglar
- -Utviklar eit positivt tilhøve til tekst som kjelde til kunnskap og estetisk oppleving
- -Skapa eit språkstimulerande miljø tilpassa det enkelte barn sitt utviklingsnivå

**Korleis me skal nå desse måla:**

- -Samtala med og lytte til borna, nytte humor i ulike samanhengar
- -Kartleggje utviklinga til enkeltborna, observere i dagleglivet
- -Leika med lyd, rim og reglar
- -La borna møta symbol som bokstavar, former og siffer i daglege samanhengar
- -Høgtlesing, forteljing, leikeskriving, drama, musikk, leik.
- -Øve på å opptre for andre, snakke i grupper
- -Bevisstgjering av dei vaksne som rollemodellar - både i tale, kroppsspråk og handling
- -Skapa tid og rom for bruk av non -verbalt og verbalt språk i kvardagsaktivitetar, leik og i tilrettelagde aktivitetar
- -Oppmuntra barn med to - eller fleir -språkleg bakgrunn til å vera språkleg aktivitet, og hjelpa dei å byggja opp omgrepssforståing og ordforråd på norsk



## 2. Kropp, rørsle, mat og helse

Vanar og handlingsmønster tek form alt frå tidleg alder av. Gode vanar som ein tileigner seg i barnehagealder, kan vare livet ut. Barnehagen skal legge til rette for at alle barn kan oppleve rørsleglede, matglede og matkultur, mentalt og sosialt velvære og fysisk og psykisk helse. Barna skal inkluderast i aktivitetar der dei får bevege seg, leike og samhandle med andre og oppleve motivasjon og meistring ut frå eigne føresetnader. Barnehagen skal bidra til at barna blir kjende med kroppen sin og blir bevisste på sine eige og andre sine grenser. Gjennom arbeid med fagområdet skal barna få sanse, oppleve, leike, lære og skape med kroppen som utgangspunkt. Gjennom medverknad i mat-og måltidsaktivitetar skal barna motiverast til å ete sunn mat og få ei grunnleggjande forståing for korleis sunn mat kan bidra til god helse. (Rammeplanen 2017).

Eit mål er å fokusere på kropp og helse for å gje borna positive røynsler og positivt sjølvbilete gjennom kroppsleg meistring:

- Kvar avdeling har turdag 1 gang i veka der borna får oppleve nærliek og glede i naturen.
- Grovmotorisk aktivitet på avdelingane, leik og styrte aktivitetar
- Uteleikeplassen vår, me har eit skogsområde innanfor gjerdet. Kort veg til ulendt terrenget i eventyrskogen rett utanfor gjerdet.
- Finmotorisk borna teikner, perle, male, halde på med mange varierte formingsaktivitetar.
- I løpet av dagen får borna vere i aktivitet, kjenne at kroppen treng mat og at den treng ro.
- Me tilbyr borna eit variert og sunt kosthald.
- Gjennom leik lærer og borna sin og andre sin kropp å kjenne, samstundes som dei gjennom fysisk aktivitet får forståing og respekt for fysisk og psykisk ulikskap.

**Gjennom arbeid med dette fagområdet skal me medverke til at borna skal:**

- Vidareutvikle kroppskontroll, grunnleggjande grovmotorisk og finmotorisk dogleik, og får eit positivt sjølvbilete gjennom kroppsleg meistring
- Utviklar positive haldningar til aktiv bruk av sin eigen kropp gjennom varierte og allsidige opplevingar og utfordringar
- Får gode erfaringar med friluftsliv og uteliv til ulike årstider
- Gjennom rike naturopplewingar utviklar respekt for alt som lever, for miljøet og naturen
- Får grunnleggjande kunnskap om korleis dei kan ta vare på sin eigen kropp og helse

**Korleis skal me nå desse måla:**

- Nyttar turområda i barnehagen sitt nærmiljø gjennom heile året
- Vektlegga rørsle, dans, musikk, leik, dans, drama og tilrettelagde røslseaktivitetar.
- Planlegging og tilrettelegging i miljøet for å inspirere til leik og fysiske utfordringar
- Innarbeidning av gode rutinar for hygiene og vektlegging av gode eit sunt kosthald
- Førebygging av skadar og ulykker
- Førstehjelpskurs for personalet
- Nyttar badebasseng, livredningskurs i basseng



### 3. Kunst, kultur og kreativitet

Opplevingar med kunst og kultur i barnehagen kan legge grunnlag for tilhørsle, deltaking og eige skapande arbeid. I barnehagen skal barna få estetiske erfaringar med kunst og kultur i ulike former og organisert på måtar som gir barna høve til utforsking, fordjuping og progresjon. Barna skal støttast i å vere aktive og skape eigne kunstnariske og kulturelle uttrykk. Barnehagen skal legge til rette for samhørsle og kreativitet ved å bidra til at barna saman får oppleve og skape kunstnariske og kulturelle uttrykk. Fagområdet tek for seg uttryksformer som biletkunst og kunsthandverk, musikk, dans, drama, språk, litteratur, film, arkitektur og design. (Rammeplanen 2017).

#### Gjennom arbeid med dette fagområdet skal me medverke til at borna:

- Utviklar skapande fantasi og kreativ tenking og handling
- Utviklar kommunikasjonsevne og varierte uttrykk gjennom skapande verksemeld i språk, bilet, ord, song og musikk, rytme, dans og drama
- Utviklar kjensleevne, lytteevne og iakttakingsevn gjennom allsidige møte med kunst og kultur
- Utviklar og styrker kulturell identitet og personleg uttrykk opplever skaparglede

#### Korleis skal me nå desse måla:

- Leggje til rette for, stimulere og oppfordre til både spontane og planlagde aktivitetar innan estetiske fag, som dramaleik, dans, ulike sjangrar musikk, biletbruk og formingsaktivitetar. Oppdre på foreldrearangement.
- Utvikla forteljarkunst, høgtlesing av historiar og eventyr, eigenproduserte og ferdigproduserte. Lese bøker i ulike sjangrar, ha dialogisk lesegrupper.
- Ha rikeleg tilgang til instrument, formingsmateriell, litteratur.

### 4. Natur, miljø og teknikk

Opplevingar og erfaringar i naturen kan fremje forståing for eigenarten til naturen og barna sin vilje til å verne om naturressursane, bevare det biologiske mangfaldet og bidra til berekraftig utvikling. Barnehagen skal bidra til at barna blir glade i naturen og får erfaringar med naturen som fremjar evna til å orientere seg og vere i naturen til ulike årstider.

Barnehagen skal legge til rette for at barna kan få eit mangfold av naturopplevingar og få oppleve naturen som arena for leik og læring. Barnehagen skal legge til rette for at barna framleis skalvere nysgjerrige på naturvitskaplege fenomen, føle tilhørsle til naturen og gjere erfaringar med å bruke teknologi og reiskapar

- Modalen barnehage ligg flott til i skogkanten, borna får difor eit godt forhold til naturen og lærer seg å setje pris på naturen sitt mangfold gjennom uteleik og utedag.
- Borna får eit nært forhold til skogen i nærmiljøet, og ser endringane i vegetasjonen gjennom året.
- At me nyttar nærmiljøet gjer borna stolte over heimstaden sin og dei vert kjend med lokale soger om stadane. Me har nytt lokale stadsnamn på Helland til å namngje dei ulike avdelingane, noko som gjev borna lokal kunnskap.
- Me samlar gjerne inn naturmateriale som me nyttar i forming.
- Me legg vekt på at borna får svar på spørsmål og høve til å undra seg over mellom anna naturfenomen, livet, fødsel og død.
- Me lærer borna kvar maten kjem frå og dei får delta i tilbereding av mat. Om våren sår me frø og observerer utviklinga frå frø til plante.
- Borna får røynsle med teknikk i dagleglivet ved å byggje med putar, klossar, magnetar, clikcs, trolledeig, syarbeid, støypling, demning med meir.

#### Gjennom arbeid med dette fagområdet skal barnehagen medverka til at borna:

- får oppleve og undra seg over naturens mangfold.
- opplever glede ved å ferdast i naturen.
- får erfaringar og kunnskap om mennesket, dyr og vekstar, og samspelet i naturen.
- lærer å leggja merke til ting ,eksperimentere, systematisere og samtale om fenomen i naturen.
- får erfare korleis teknikk kan brukast i leik og kvardagslivet.



#### Korleis skal me nå desse måla:

- ta utgangspunkt i borna si nysgjerrighet, interesser og føresetnader.
- lære om plantar, dyr, insekt, fisk, stjernehimmelen og naturfenomen.
- tekniske/naturvitskaplege eksperiment tilpassa barn
- bevisstgjering av dei vaksne si rolle til å stimulera til barn si undring - og til å bruka sansane deira
- miljøvern, kjeldesortering, kompostering, samt bevisstgjering av barn og personale i høve til å ta vare på jorda vår
- bruke litteratur

## 5. Etikk, religion og filosofi

Etikk, religion og filosofi er med på å forme korleis vi oppfattar verda og menneska, og pregar verdiar, normer og haldningar. Fagområdet ser særleg på barnehagen sitt samfunnsmandat og verdigrunnlag i eit samfunn som er prega av livssynsmangfald.

Barnehagen skal la barna få kjennskap til forteljingar, tradisjonar, verdiar og høgtider i ulike religionar og livssyn, og erfaringar med at kulturelle uttrykk har ein eigenverdi. Barnehagen skal skape interesse for mangfoldet i samfunnet og forståing for livsverda og levesettet til andre menneske. Gjennom å samtale om og undre seg over eksistensielle, etiske og filosofiske spørsmål skal barn få høve til sjølve å formulere spørsmål, lytte til andre, reflektere og finne svar. Slik skal barnehagen bidra til å leggje grunnlag for kritisk tenking og dømmekraft (Rammeplanen 2017).

### Korleis arbeidar me med dette:

- Gje borna innsyn i etikk og ulike religionar gjennom t.d: FORUT aksjonen. Opplegget synleggjer etiske og empatiske perspektiv på ulike menneskjer og kulturar.
- Me nyttar oss av pedagogiske program som t.d: Steg for steg som legg vekt på å fremje empati. For 1-3 åringane fokuserer me mest på ulike kjensler, å setje namn på desse. 3-6 åringane vert presentert problemstillingar og skal ved hjelp av sin kunnskap og samarbeid kome fram til gode løysingar.
- I høve til kristendomen vert fokuset ekstra stort i julehøgtida, Modalen barnehage har opparbeid eigne tradisjonar, mange med utgangspunkt i kristendomen.
- Me samarbeider me med soknerådskontoret, prest og kateket som formidlar kristne tradisjonar julebodskap og påskebodskap.
- Oppfordrar borna til å undre seg og filosofere over ulike emner. Borna er naturleg nyfikne og denne evna må me ta vare på.

### Gjennom arbeid med dette fagområdet skal barnehagen medverke til at borna:

- får innsikt i grunnverdiar i samfunnet tileignar seg dei grunnleggjande normene og verdiane i samfunnet
- utviklar interesse og respekt for menneske med ulik kulturell bakgrunn og religiøs bakgrunn
- bli kjende med dei kristne grunnverdiane og kva plass dei har i kulturen vår
- får kjennskap til tradisjonar knytt til høgtider i religionar og livssyn som er representerte i barnegruppa



### Korleis skal me nå desse måla:

- samtala med borna
- undervisa om, og feire ulike høgtider
- være medvitne på vaksenrolla og kva påverknad den har for haldningar
- møta borna sine spørsmål med respekt og undra seg saman med dei
- skapa rom for undring, oppleveling, refleksjon og gode samtalar
- bevisst brukar barnehagen sitt verdigrunnlag i ulike samanhengar i kvardagen, som td konflikt



## 6. Mengd, rom og form

Fagområdet handlar om å oppdage, utforske og skape strukturar og hjelper barna til å forstå samanhengar i naturen, samfunnet og universet. Barnehagen skal synleggjere samanhengar og leggje til rette for at barna kan utforske og oppdage matematikk i daglelivet, i teknologi, natur, kunst og kultur, og ved å sjølve vere kreative og skapande. Arbeid med fagområdet skal stimulere barna til undring, nysgerrigkeit og motivasjon for problemløysing.

Fagområdet omfattar leikande og undersøkjande arbeid med samanlikning, sortering, plassering, orientering, visualisering, former, mønster, tal, teljing og måling. Det handlar òg om å stille spørsmål, resonnere, argumentere og søkje løysingar.

### Korleis arbeidar me med dette:

- bruke matematiske omgrep reflektert og aktivt i kvardagen
- bruke bøker, spel, musikk, digitale verktøy, naturmateriale, leiker og utstyr for å inspirere barna til å tenkje matematisk
- gjere barna meir nysgjerrige og styrke matematikkglede og interessa for matematiske samanhengar med utgangspunkt i uttrykksformene til barna
- leggje til rette for at barn utforskar, leiker, lærer og sjølve skaper noko gjennom digitale uttrykksformer
- utforske kreativ og skapande bruk av digitale verktøy saman med barna
- Borna får vere med å lage mat i høve til kva dei meistrar ,her nyttar me ulike måleeiningar og viser borna korleis tal har tyding for eit uttal av ting i kvardagen vår.

### Gjennom arbeid med dette fagområdet skal barnehagen bidra til at borna:

- vert stimulerte til utforskarglede i forhold til matematikk
- lærer om ulike former, lengder, storleikar, mål og mønster
- lærer om tal og enkle matematiske omgrep

### Korleis skal me nå desse måla:

- stimulera barna si matematikkutvikling ved å vere bevisst sin eigen språkbruk, samt leggja til rette for borna sin utforskarkrond og læreglede
- gje borna impulsar gjennom tilrettelagde aktivitetar i høve til form og mønster
- sørgja for at borna har tilgang til ulike typar spel, teknologi, klossar, leikar og formingsmateriell
- tilby materiell som gjer borna erfaring med klassifisering, ordning, sortering, måling og samanlikning
- undring saman med borna i høve til kva so er likt/ulikt, storleik, kor mange.
- stimulera borna si evne til å brukha språket som reiskap for logisk tenking



## 7. Nær miljø og samfunn

Barnas medverknad i kvardagslivet i barnehagen legg grunnlaget for vidare innsikt i og erfaring med å delta i eit demokratisk samfunn. Gjennom utforsking, opplevingar og erfaringar skal barnehagen bidra til å gjere barna kjende med sitt eige nærmiljø, samfunnet og verda.

Barnehagen skal bidra til kunnskap om og erfaring med lokale tradisjonar, samfunnsinstitusjonar og yrke, slik at barna kan oppleve tilhørsle til nærmiljøet. Kulturelt mangfald, ulike levemåtar og forskjellige familieformer er ein del av fagområdet. Gjennom leik og varierte aktivitetar skal barna få erfaring med å lytte, forhandle og diskutere og få gryande kjennskap til menneskerettane.

Fagområdet skal omfatte kjennskap til samisk språk, kultur og tradisjon og kjennskap til nasjonale minoritetar. Grupper med langvarig tilknyting til eit land er definerte som nasjonale minoritetar. I Noreg er kvennar/norskfinnar, jødar, skogfinnar, romar og romanifolk/taterar nasjonale minoritetar. (Rammeplanen 2017).

### Bidra til at barnehagen viser i lokalsamfunnet gjennom t.d.:

- Bidra på Modalsdagane med underhaldning,
- Foreldrearrangement i barnehagen,
- besøk til Modalstunet og andre bedrifter i Modalen
- bilet dokumentasjon i høve barnehagedagen.
- Me nyttar bygdebøker og anna litteratur om bygda vår for å formidle lokal –kjennskap.
- Bli kjend med lokale stadsnavn og nyte nærmiljøet rundt barnehagen til turar og ulike aktivitetar.



### Gjennom arbeid med dette fagområdet skal barnehagen bidra til at borna:

- verta kjende med nærmiljøet
- verte kjende med sosiale og kulturelle skilnader i barnehagen og nærmiljøet,
- og får eit byrjande bilde av korleis samfunnet er oppbygd, og korleis det var før og no
- blir kjende med korleis ulike funksjonar og arbeidsplassar heng saman og er viktige i kvardagslivet
- får erfaringar med at alle menneske både store og små, er delar av fellesskapet og gjennom handling får yta sitt til
- får læra om samefolket og deira tradisjonar
- lærer demokratiske prinsipp og at alle er like mykje verd uavhengig av kjønn, alder, nasjonalitet og andre ulikskap

### Korleis skal me nå desse måla:

- -Personalelet må vere seg bevisst at dei, som rollemodellar, skal uttrykkja demokratiske prinsipp og likeverd
- arbeida for at borna får erfare at dei er verdifulle og viktige for fellesskapet
- arbeide for eit inkluderande miljø med nulltoleranse for mobbing
- sørgra for at barna får erfare at deira val og handlingar kan påverka situasjonen både for dei sjølv og for andre
- brukar nærmiljøet sine ressursar til gode opplevingar, aktivitet og høve til læring
- gje borna høve til meiningsfylte møte ute i samfunnet,
- brukar litteratur og ulike media til å utvida borna si erfaring og læring
- gje borna ein byrjande kjennskap om innhaldet i barnekonvensjonen



# Progresjonsplanar

Progresjon i barnehagen inneber at alle barna skal utvikle seg, lære og oppleve framgang. Alle barna skal kunne oppleve progresjon i barnehageinnhaldet, og barnehagen skal legge til rette for at barn i alle aldersgrupper får varierte høve til leik, aktivitetar og læring. Personalelet skal utvide og byggje vidare på barnas interesser og gi barna varierte erfaringar og opplevingar. Barnehagen skal legge til rette for progresjon gjennom val av pedagogisk innhald, arbeidsmåtar, leiker, materiale og utforming av fysisk miljø. Barn skal få utfordringar som er tilpassa erfaringane, interessene, kunnskapane og ferdighetene sine. (Rammeplanen 2017).

Barnehagen har ansvar for å sikre progresjon i barnas utvikling, innafor 7 ulike fagområder. Oppleving av meistring er nært knytta til utviklinga av eit godt sjølvbilete, difor må me la alle barna få utfordringar tilpassa sitt ståsted. Me skal sjå og anerkjenna barna i meistringsøyeblikk. Progresjonsplanen inneholder konkrete tiltak knytt til arbeidet me skal gjera i barnehagen. Sjå progresjonsplanen som vedlegg til årsplanen.

Barn utviklar seg ulikt og i ulikt tempo. Det betyr at me vaksne må ha god kunnskap om det enkelte barn slik at me kan:

- gje barna utfordringar som gir dei noko å strekke seg etter
- stimulerer læringslysta og som ivaretak oppleving av meistring.
- Sikrar at borna får god utvikling og progresjon, vert heilsakeleg menneske.